

## ATODLEN 7

### PARTNERIAETHAU

#### RHAN 5

#### TRAFODIADAU SY’N YMWNEUD Â THROSLWYDDIADAU O BARTNERIAETH

*Trosglwyddo buddiant trehadwy o bartneriaeth: swm y cyfrannau is*

22 Pennir swm y cyfrannau is mewn perthynas â thrafodiad y mae paragraff 21 yn gymwys iddo fel a ganlyn—

*Cam 1*

Nodi’r perchennog neu’r perchnogion perthnasol (gweler paragraff 23).

*Cam 2*

Ar gyfer pob perchennog perthnasol, nodi’r partner neu’r partneriaid cyfatebol (gweler paragraff 24).

Os nad oes gan unrhyw berchennog perthnasol bartner cyfatebol, swm y cyfrannau is yw sero.

*Cam 3*

Ar gyfer pob perchennog perthnasol, canfod y gyfran o’r buddiant trehadwy y mae gan y perchennog hwnnw hawl iddo yn union ar ôl y trafodiad.

Dosrannu’r gyfran honno rhwng unrhyw un neu ragor o bartneriaid cyfatebol y perchennog perthnasol.

*Cam 4*

Canfod yr isaf o’r canlynol (“y gyfran is”) ar gyfer pob partner cyfatebol—

- y gyfran o’r buddiant trehadwy sydd i’w phriodoli i’r partner (gweler paragraff 25);
- y cyfranddaliad yn y bartneriaeth sydd i’w briodoli i’r partner (gweler paragraffau 26 a 27).

*Cam 5*

Adio cyfrannau is pob partner cyfatebol.

Y canlyniad yw swm y cyfrannau is.